



# DOMOWINA

## Rezolucija 18. głowneje zgromaźiny Domowiny

### **pótrjefijo: nacerjenje za wobnowjenje póstajenja serbskego šulstwa (SW Schul VO) w Bramborskej**

Ministarstwo za kubłanje, młožinu a sport kraja Bramborskeje planujo pšežěłanje donětejšnego póstajenja wó wugótowanje serbskeje a bilingualneje wucby. W nacerjenju wobnowjenja jo mjazy drugim zapisane, až ma se wuknjeńska kupka za wucbu serbšćiny a za bilingualnu wucbu akle pótom wutwóriś, gaž jo we njej nanejmenjej 12 wuknikow/wuknicow. Njedojspijo-li se wóna licba, ga ma se wuknjeńska kupka z wuknikami drugih lětnikow wupołnjowaś, a to tak dłujko, až jo pominana licba dojspita.

Delegaty 18. głowneje zgromaźiny Domowiny wócajkuju, až zagronite ministerstwo planowane zapisanje licby slědk wzejo. Nacerjenje SWSchulV wót 03.02.2017 jo pśedłoga, kenž dej se zakładnje juristiski profundnje a zaměroju wótpowědnje pšežěłaś a wusměriś na skšušenje serbskeje wucby we formje wopóznawańskeje, cuzeje a drugeje rěcy, ze spěchowanim maminorěcnje wótrostujucych wuknicow a wuknikow, Witaj-projekta na zakładnych šulach a bilingualneje wucby w serbskej rěcy za wšykne dalejwežece šulske schóžžeńki, pśeto jo kubłanje wažny wobstatk zdžaržanja a wuwijanja serbskeje rěcy, kultury a identity.

Wócajkujomy, až glěda ministerstwo za kubłanje, młožinu a sport pśi wobnowjenju pomjenowanego póstajenja na dłujkolětne nazgónjenja praktkarjow w zakładnych a dalejwežecych šulach rowno tak ako na wuslědki a dopóznaša ewaluacije bilingualnych pórucenjow, tak až móžo wobnowjone póstajenje teke wócakowanjam krajnego plana za zmócnjenje dolnoserbskeje rěcy wótpowědowaś a półěpšenju a dalejwuwijanju organizaciskich formow wucby serbšćiny we wšykných jeje fasetach słužyś.

Wócajkujomy, až nastajijo se celkowny koncept za pśiswójenje dolnoserbskeje rěcy wót žiśownje až k abituroju. Nazgónjenja pśi pósrědkowanju górnoserbšćiny w Sakskej dejali se pśi tom wobglědowaś.

Wórjeje, dnja 25.03.2017

delegaty 18. głowneje zgromaźiny Domowiny